



Universitätsbibliothek Paderborn

**Avla ... Thesavrorum Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1657

§. 27. Dico enim vobis, quia ex hoc non manducabo illud, donec impleatur
in regno Dei. v. 16.

urn:nbn:de:hbz:466:1-45549

CAP. XXII.

perauit in qua regnat gloriosus per infinita saecula saeculorum Amen.

§. 27. Dico enim vobis, quia ex hoc non manducabo illud, donec impleatur in regno Dei. v. 16.

Notandum hic diligenter quod dicit Dominus, quia ex hoc non manducabo illud, quid enim est illud? & quid est quod notatur particula *ex hoc*? Scio quod quidam ita accipiunt ista, ut *ex hoc* indicet *vas* aliquod, ex quo edebatur, & illud indicet substantiam Agni paschalis ex vase edendi. ac si Dominus diceret: iam non amplius edam agnum Typicum, & figurantem *ex paropside* ut feci hactenus, donec agnus paschalis ille figurans sit impletus exhibitione agni Dei, in regno Dei, seu Ecclesia Christi comedendi. Scio inquam ita posse exponi. Sed qui ita volet exponi, laborabit, multum ut ex Euangelico textu Agnum Mosaicum in hac ultima cena, in mensa demostribilem appositum fuisse, demonstret. Alii ergo exponunt ita ut *ex hoc*, non locum demonstret: sed tempus, quasi diceret Magister, Ex hoc tempore fiat Epocha, seu initium computandi, illud quod dico, nimirum non manducaturum me amplius Pascha Iudaicum, quod vos in phantasia habetis, auditio sermone meo de desiderio paschatis huius manducandi. illud enim non amplius manducabo vobiscum, occidendum antequam illud sit manducandum, veruntamen manducabo illud pascha quod vos apprehenditis, si intelligatur veru & Mosaico agno figuratu, quod in regno Dei, iam iā inchoando, manducabitur in saecula. Hæc expositio mihi conueniens videtur, quia representat quid fuerit in rudi tunc temporis Apostolorum intellectu, qui nesciebant aliud pascha, quam Mosaicum carnale.

R Abbi, tu es Rex Israel, tu enim verè regnas in hominum mentibus, quæ & penetras & sanas verbo tuo: Ecce enim Apostoli carnales erant, apprehendebant te magnopere hoc pascha desiderasse, quod ipsi nouerant, Tu autem potenter ingredieris mentem eorum stupidam, cognoscis cogitationes eorum erroneas, verbū applicas, & sanas, & ad spirituale pascha eosincipis manuducere, quod in Ecclesia sua Catholica indies celebratur, Domine Deus meus, præueni seruum tuum in benedictionibus dulcedinis tuarum, ut ad tuum magnificum Sacramentum digne ac devote merear accedere. Excita cor meum in te & a graui torpore exue me, visita me in salutitudo tuo ad gustandum in spiritu tuum pascha quod in sacramento tanquam in mysterio fidei latet. Illumina quoque oculos meos ad intuendum tantum mysterium & ad credendum illud indubitate fidei me robora. Est enim operatio tua, non humana potentia: tua sacra institutio non hominis adiutorium, nec ad hæc capienda & intelligenda quis idoneus per se reperitur, quæ

Auge